

გარემოსდაცვითი ზედამხედველობის დეპარტამენტი

უწყვატი ელექტრომომარაბების - „იუპიშის“ (CPV – 311000000; 31154000)
გამარტივებული ელექტრონული ტენდერის საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ.თბილისი

2013 წელი

სარჩევო

1. ინტერუქცია ტენდერში მონაწილეობის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დამატებითი ინფორმაცია
5. დანართი № 1 რეკვიზიტები
6. დანართი № 2 ტექნიკური დავალება
8. დანართი № 3 ფასების ცხრილი

1. ინსტრუქცია ტენდერში მონაწილეთათვის

იხ. „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge

2. ტექნიკური დოკუმენტაცია

2.1 ტექნიკური მოთხოვნები:

2.1.1 როგორც იურიდიული ასევე ფიზიკური პირისათვის პრეტენდენტმა სახელმწიფო შესყიდვების ერთიან ელექტრონულ სისტემაში სატენდერო წინადადების ფასის ატვირთვასთან ერთად უნდა ატვირთოს და წარმოადგინოს შემდეგი ტექნიკური დოკუმენტაცია:

- ა) რეკვიზიტები დანართი №1-ის მიხედვით;
- ბ) სრული ინფორმაცია მისაწოდებელი საქონლის შესახებ დანართი №2-ის მიხედვით.
- გ) სატენდერო წინადადების ფასი(გაფასება) დანართი №3-ის მიხედვით;
- დ) ინფორმაცია ოფიციალური სერვის ცენტრების მისამართების და ტელეფონის ნომრების მითითებით, ტექნიკის მწარმოებელ ფირმას საგარანტიო მომსახურებისათვის უნდა ჰქონდეს მინიმუმ 1 (ერთი) სერთიფიცირებული სერვისცენტრი საქართველოში.

2.2 ანგარიშსწორების პირობები:

- 2.2.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის ჩათვლით
- 2.2.2 ანგარიშსწორება მოხდება უნაღდო ანგარიშსწორებით ლარებში.
- 2.2.3 ანგარიშსწორება მოხდება საქონლის მიწოდებისა და მიღება-ჩაბარების აქტის გაფორმების შემდეგ, მიღება-ჩაბარების აქტისა და საგადასახადო ანგარიშ-ფაქტურის (დღგ-ს გადამხდელის შემთხვევაში) წარმოდგენიდან არაუგვიანეს 30 (ოცდაათი) კალენდარული დღის განმავლობაში.
- 2.2.4 წინასწარი ანგარიშსწორება (ავანსი) არ გამოიყენება.
- 2.2.5 პრეტენდენტს არა აქვს უფლება წარმოადგინოს ალტერნატიული წინადადება.

2.3 შესყიდვის ობიექტის ტექნიკური პარამეტრები:

2.3.1 შესყიდვის ობიექტის ტექნიკური დავალება და ფასების ცხრილი მოცემულია დანართი №2-ის და დანართი №3-ის სახით.

2.4 მიწოდების პირობები და ვადები:

- 2.4.1 საქონლის მიწოდება უნდა განხორციელდეს ხელშეკრულების გაფორმებიდან 45 (ორმოცდახუთი) კალენდარული დღის განმავლობაში.
- 2.5 დაფინანსების წყარო – სახელმწიფო ბიუჯეტის სახსრები.

2.6 შესყიდვის სავარაუდო ღირებულება – 13000 (ცამეტი ათასი) ლარი (დღგ-ს ჩათვლით).

- 2.7 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.
- 2.8 სხვადასხვა ვალუტაში გამოსახული სატენდერო წინადადებები არ განიხილება.
- 2.9 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 2.10 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 2.11 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 2.12 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.
- 2.13 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 2.13 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით, ასევე შეუძლია სატენდერო კომისიის აპარატში, მისამართზე: ქ.თბილისი, გ. გულუას ქ. № 6, გარემოსდაცვითი ზედამხედველობის დეპარტამენტის, ფინანსური სამსახურის, ლოჯისტიკის განყოფილება მე-6 სართული. ტელეფონი: 272-72-75; 595000444; 595000555; 577553191. საკონტაქტო პირი: მიხეილ ბედოიძე, თამარ ყუფარაძე, თეიმურაზ სულხანიშვილი.

შენიშვნა:

- 1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 2. პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ უფლებამოსილი პირის მიერ.

3. სახელმწიფო შესყიდვების შესახებ ხელშეკრულების პროექტი

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის მოთხოვნათა შესაბამისად, გარემოსდაცვითი ზედამხედველობის დეპარტამენტის მიერ სახელმწიფო შესყიდვის განხორციელების მიზნით, სახელმწიფო ბიუჯეტის სახსრებით, გამარტივებული ელექტრონული ტენდერის საშუალებით. (SPA -----) (CPV -----);

ერთის მხრივ გარემოსდაცვითი ზედამხედველობის დეპარტამენტი (შემდგომში **შემსყიდველი**) უფროსის ირაკლი მუკნიაშვილის სახით, **მისამართი:** ქ.თბილისი, გ. გულუას ქ. № 6, ს/კ 206351758, **ტელ:** 727275. 595000444; **საბანკო რეკვიზიტები:** ცენტრალური სახინა, სახაზინო კოდი 3802, **ხოლო მეორეს მხრივ** -----

1. ხელშეკრულებაში გამოყენებულ ტერმინთა განმარტება

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და გამარტივებულ ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელმაც მოიპოვა გამარჯვება გამარტივებული ელექტრონულ ტენდერში და ახორციელებს საქონლის მიწოდებას ხელშეკრულების ფარგლებში.

1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 მიმწოდებელი იღებს ვალდებულებას მიაწოდოს შემსყიდველს ორი სახის 8 (რვა) ცალი უწყვეტი კვების წყარო (UPS), ტექნიკური დოკუმენტაციისა და ამ ხელშეკრულების პირობების შესაბამისად (შემდგომში საქონელი).

2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

3. საქონლის ღირებულება

3.1 მთლიანი სახელშეკრულებო თანხა ტრანსპორტირებისა და საქართველოს კანონმდებლობით გათვალისწინებული ყველა გადასახადის გათვალისწინებით შეადგენს ----- ლარს.

4. საქონლის მიღება-ჩაბარება

4.1 საქონელი ან მისი ნაწილი ჩაითვლება მიღებულად მხოლოდ სასაქონლო ზედნადებზე და შესაბამის მიღება-ჩაბარების აქტზე შემსყიდველის მხრიდან ხელმოწერის შემდეგ.

4.2 საქონელი ან მისი ნაწილის მიღების დამადასტურებელ დოკუმენტაციას აფორმებენ სათანადოდ უფლებამოსილი პირები ხარისხისა და რაოდენობის მიხედვით, კერძოდ: შემსყიდველის მხრიდან - გარემოსდაცვითი ზედამხედველობის დეპარტამენტის უფროსი სპეციალისტი ვლადიმერ შარაშიძე.

4.3 ს გადასახადო ანგარიშგაქტურის, მიღება-ჩაბარების აქტისა და სასაქონლო ზედნადების საფუძველზე შემსყიდველი ახდენს ანგარიშსწორებას მიმწოდებლისაგან მიღებული საქონლისათვის.

4.4 საქონლის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

4.5 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

5. საქონლის მიწოდების ვადები და ადგილი

5.1 საქონლის მიწოდება განხორციელდება ხელშეკრულების გაფორმებიდან 45 (ორმოცდახუთი) კალენდარული დღის განმავლობაში.

5.2 საქონლის მიწოდება ხორციელდება შემსყიდველის მისამართზე: ქ. თბილისი, გ. გულუას ქ. № 6, მე-6 სართული.

6. მხარეთა უფლება-მოვალეობანი

6.1 მიმწოდებელი ვალდებულია მიაწოდოს შემსყიდველს ნივთობრივად უნაკლო საქონელი.

6.2 მიმწოდებელი უფლებამოსილია მოითხოვოს ანაზღაურება ამ ხელშეკრულების პირობების შესაბამისად.

6.3 შემსყიდველი ვალდებულია გადაუხადოს მიმწოდებელს ანაზღაურება ამ ხელშეკრულებით გათვალისწინებული საქონლის მიწოდებისათვის ხელშეკრულების პირობების შესაბამისად.

6.4 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.

6.5 შემსყიდველია უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუსრულები შესრულება.

7. გარანტია

7.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და მისი ექსპლუატაციის ნორმების დაცვის შემთხვევაში, არ გამოავლენს დეფექტს და შეესაბამება ხელშეკრულების მოთხოვნებს.

7.2 მიმწოდებელი იღებს ვალდებულებას საქონლის დაზიანების (გარდა ვიზუალური დაზიანებისა) შემთხვევაში 2 (ორი) წლის განმავლობაში გაუწიოს შემსყიდველს უფასო საგარანტიო მომსახურება

(საქონლის შეცვლა ან შეკეთება) საქონლის გამართული მუშაობისათვის.

8. ანგარიშსწორება

8.1 ანგარიშსწორება მიმწოდებელთან განხორციელება საქონლის მიწოდების შემდეგ, მიმწოდებლის მიერ საგადასახადო ანგარიშ-ფაქტურის, მიღება-ჩაბარების აქტისა და სასაქონლო ზედნადების წარდგენიდან 30 (ოცდაათი) კალენდარული დღის განმავლობაში.

8.2 ანგარიშსწორება განხორციელება უნაღდო ანგარიშსწორების ფორმით.

8.3 ანგარიშსწორება მიმწოდებელთან განხორციელება ლარებში.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 მიმწოდებელი კისრულობს პასუხისმგებლობას გადაუხადოს პირგასამტეხლოს სახით შემსყიდველს ამ ხელშეკრულებით გათვალისწინებული საქონლის ან მისი ნაწილის მიწოდების ვადების დარღვევის შემთხვევაში ხელშეკრულების მთლიანი ღირებულების 0.1 (ნული მთელი ერთი მეათედი) პროცენტი ყოველი ვადაგადაცილებული დღისათვის.

11.2 იმ შემთხვევაში თუ მიმწოდებელი ცალმხრივად და დაუსაბუთებლად (გარდა საქართველოს მოქმედი კანონმდებლობით გათვალისწინებული შემთხვევისა) გაზრდის საქონლის ერთეულის ფასს შემსყიდველს უფლება აქვს გაწყვიტოს წინამდებარე ხელშეკრულება და დააკისროს მიმწოდებელს პირგასამტეხლო ხელშეკრულების მთლიანი ღირებულების 5 (ხუთი) პროცენტის ოდენობით.

11.3 პირგასამტეხლოს გადახდა არ ანთავისუფლებს მიმწოდებელს ნაკისრი ვალდებულების შესრულებისაგან.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 საქართველოს კანონმდებლობით გათვალისწინებულ სხვა შემთხვევებში.

13. ხელშეკრულების შესრულების კონტროლი

13.1 შემსყიდველს უფლება აქვს მიმწოდებლის მიერ საქონლის მიწოდებისას, განხორციელოს კონტროლი და/ან გამოცადოს საქონელი. კონტროლს ახორციელებენ შემსყიდველის წარმომადგენლები: გარემოსდაცვითი ზედამხედველობის დეპარტამენტის ფინანსური სამსახურის ლოჯისტიკის განყოფილების თანამშრომლები (შემდგომში „ინსპექტირების ჯგუფი“).

13.2 ინსპექტირების ჯგუფის ფუნქციებია:

13.2.1 გაუწიოს კონტროლი საქონლის მიწოდების ვადების ხელშეკრულების მოთხოვნებთან შესაბამისობის დადგენას.

13.2.2 დაადგინოს შეესაბამება, თუ არა მიწოდებული საქონელი ხელშეკრულების მოთხოვნებს.

13.2.3 უზრუნველყოს მიწოდებული საქონლის მიღება.

13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

14.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარდონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

16. ხელშეკრულების მოქმედების ვადა

16.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2013 წლის 31 დეკემბრის ჩათვლით.

16.2 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, სამი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მონაწილე მხარეებთან.

„შემსყიდველი“

„მიმწოდებელი“

4. დამატებითი ინფორმაცია:

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. მისამართზე: ქ.თბილისი, გ. გუღუას ქ. № 6, გარემოსდაცვითი ზედამხედველობის დეპარტამენტის ფინანსური სამსახურის ლოჯისტიკის განყოფილებაში, მე-6 სართული. ტელეფონი: 272-72-75. 595 000 444; 595 000 555; 577 553 191. საკონტაქტო პირი: მიხეილ ბედოიძე, თამარ ყუფარაძე, თეიმურაზ სულხანიშვილი.

5. რეკვიზიტები:

- 5.1 პროტენდენტის იურიდიული ფორმა და დასახელება;
- 5.2 ხელმძღვანელის სახელი და გვარი;
- 5.3 პროტენდენტის იურიდიული ან/და ფაქტიური მისამართი;
- 5.4 საიდენტიფიკაციო კოდი;
- 5.5 პროტენდენტის ტელეფონის ნომერი;
- 5.6 ელექტრონული მისამართი;
- 5.7 მომსახურე ბანკის დასახელება და ბანკის კოდი;
- 5.8 ანგარიშსწორების ანგარიში.

პროტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

6. ტექნიკური დავალება

6.1 შესყიდვის ობიექტია: ორი სახის 8 (რვა) ცალი უწყვეტი კვების წყარო (UPS).

ტექნიკური მახასიათებლები	რაოდენობა
№UPS 1 მაქსიმალური სიმძლავრე - 1000 ვა / 900 ვტ, ტექნოლოგია - ორმაგი გარდაქმნა (ონლაინ) ავტომატური ბაიპასი შემავალი ძაბვა ნომინალური - 220-230-240 ვ მინიმალური - 140 ვ @ 50% დატვირთვაზე / 184 ვ @ 100% დატვირთვაზე მაქსიმალური - 276 ვ სიხშირე - 50/60 ჰც +- 5% სიმძლავრის კოეფიციენტი - >0,98 დენის ხარვეზი - <=7% გამომავალი ძაბვა ძაბვის ხარვეზი - <2% სიხშირე - 50 ან 60 ჰც შერჩევით სიხშირის ცვლილება სტატიკაში - +-1% სიხშირის ცვლილება დინამიკაში - <=5% 20 მილიწამში სიგნალი - სინუსოიდალური კრესტ ფაქტორი - 3:1 მქც ECO და Smart Active რეჟიმებში - 98% ბატარეები - VRLA რანტაიმი მაქსიმალურ დატვირთვაზე - 7 წუთი დამუხტვის დრო - 2-4 საათი გადატვირთვის ხანგრძლივობა 100-110% - 1 წუთი 110-150% - 4 წამი >150% - 0,5 წამი სხვა წონა - 17,5 კგ ზომა - 87(2U)x425x450(19") მმ დაცვა მაღალი ძაბვისგან - 300 ჯოული კომუნიკაცია - USB, RS232, ქსელური კარტის სლოტი შემავალი კონტაქტი - 1 IEC 320 C14 გამავალი კონტაქტი - 8 IEC 320 C13 ნორმატივები - უსაფრთხოება: EN 62040-1 და დირექტივა 2006/95/EL; სტანდარტი: EN 620040-2, კატეგორია C2 და დირექტივები 2004/108/EL/ სამუშაო ტემპერატურა - 0°C / +40°C ხმაურის დონე - < 40დბ 1 ეტრის მოშორებით	7

ტექნიკური მახასიათებლები	რაოდენობა
№UPS 2 მაქსიმალური სიმძლავრე - 10000 ვა / 8000 ვტ, ტექნოლოგია - ორმაგი გარდაქმნა (ონლაინ) ავტომატური ბაიპასი შემავალი ძაბვა ნომინალური - 220-230-240 ვ მინიმალური - 84 ვ @ 50% დატვირთვაზე / 164 ვ @ 100% დატვირთვაზე მაქსიმალური - 264 ვ სიხშირე - 50/60 ჰც +- 5% სიმძლავრის კოეფიციენტი - >0,98 დენის ხარვეზი - <=7% გამომავალი ძაბვა ძაბვის ხარვეზი - <3%, <6% - არაწრფივი დატვირთვისას. სიხშირე - 50 ან 60 ჰც შერჩევით სიხშირის ცვლილება სტატიკაში - +-1.5% სიხშირის ცვლილება დინამიკაში - <=5% 20 მილიწამში სიგნალი - სინუსოიდალური კრესტ ფაქტორი - 3:1 მქკ ECO და Smart Active რეჟიმებში - 98% ბატარეები - VRLA რანტაიმი მაქსიმალურ დატვირთვაზე - 8 წუთი დამუხტვის დრო - 4-6 საათი გადატვირთვის ხამგრძლივობა 100-110% - 1 წუთი 110-150% - 4 წამი >150% - 0,5 წამი სხვა წონა - 95 კგ ზომა - 2 x 175(4U)x455(19")x660 მმ კომუნიკაცია - USB, RS232, ქსელური კარტის სლოტი შემავალი კონტაქტი - კლემები გამავალი კონტაქტი - კლემები, 2 IEC 320 C13 ნორმატივები - უსაფრთხოება: EN 62040-1 და დირექტივა 2006/95/EL; სტანდარტი: EN 620040-2, კატეგორია C2 და დირექტივები 2004/108/EL/ სამუშაო ტემპერატურა - 0°C / +40°C ხმაურის დონე - < 45დბ 1 ეტრის მოშორებით	1

6.2 ორივე სახის UPS-ებს უნდა გააჩნდეს გარანტია მინიმუმ 2 წელი.

6.3 შემოთავაზებული UPS-ები უნდა იყოს სატენდერო დოკუმენტაციის ტექნიკური დავალებით მოთხოვნილის არანაკლებ მსგავსი ან უკეთესი ხარისხის, მონაცემების და პარამეტრების.

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

შენიშვნა:

- გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასების ცხრილი. ფასების ცხრილი წარმოადგენს ხელშეკრულების განუყოფელ ნაწილს.
- პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ უფლებამოსილი პირის მიერ.

7. ფასების ცხრილი

№	საქონლის დასახელება (ბრენდი და მოდელი)	განზ. ერთეული	რაოდენობა	მწარმოებელი ქვეყანა	ერთეულის ფასი	საერთო ფასი
1	UPS № 1	ცალი	7			
2	UPS № 2	ცალი	1			
სულ ჯამი						

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

შენიშვნა:

სატენდერო წინადადებაში საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან (მათ შორის: ტრანსპორტირების) დაკავშირებული ყველა გადასახადის გათვალისწინებით.